

**A Nahoana Andriamanitra no mamela ny ota sy ny fahoriana hisy? (Salamo 74 sy 79)**

- ❖ Rehefa nandrava ny Tempoly sy nanafoana an'i Jerosalema i Nebokadnezara Mpanjaka, dia very hevitra tanteraka ny vahoakan'Andriamanitra (Sal. 79:1-4; 74:3-8).
- ❖ Mandra-pahoviana no hamelan'Andriamanitra ny fahoriana hisy? Mandra-pahoviana ny fandresen'ny ratsy fanahy? Mandra-pahoviana no hanamavoina ny anaran'Andriamanitra? Mandra-pahoviana no tsy hamelany heloka? Mandra-pahoviana no hangina Izy? (Sal. 79:5; 74:9-11).
- ❖ Raha lany ny vahoakan'Andriamanitra, aiza izay voninahitry ny anaran'Andriamanitra? (Sal. 79:6-7, 12; 74:13-19).
- ❖ Fantany fa ny fahotana no nahatonga azy ireo tamin'izao toe-javatra izao, ka niangavy an'Andriamanitra izy mba hihaino, hahatsiaro ny fanekeny, hamela heloka, hanala ny fahoriana, ary hiasa ho an'ny vahoakany (79:8-9, 11, 13; 74: 20-23).

**B Nahoana Andriamanitra no mamela ny tsy manan-tsiny hijaly? (Salamo 88)**

- ❖ Marary ny mpanao salamo, miandry fahafatesana, ary tsy azony hoe nahoana Andriamanitra no tsy mamaly (Sal. 88:3-4, 9-14). Miampanga an'Andriamanitra ho anton'ny aretiny sy ny fanaintainany mihitsy aza izy (Sal. 88:6-8, 16-18).
- ❖ Tsy voalaza ao amin'ny Salamo faha-88 ny fahotana mety ho nahatonga ny aretiny. Raha ny marina, ny fahoriany (araka ny mitranga matetika amin'ny fahorantsika) dia tsy avy amin'ny fahotany manokana. Izany zava-misy izany no mahatonga ny fahoriana ho sarotra takarina, tsy hay hazavaina.
- ❖ Tokana ny vahaolana: mitaraina amin'Ilay mifehy ny zava-drehetra, ary miandry Azy hiasa amin'ny fotoana mety indrindra (Sal. 88:1-2).

**D Nahoana no tsy faranan'Andriamanitra izao fahorantsika izao? (Salamo 69)**

- ❖ Toy ny ahoana ny fahatsapan'ny mpanao salamo ny fahalaviran'Andriamanitra?
  - Toy ny diera tsy mahita rano hosotroina izy (Sal. 42:1-3)
  - Mahatsiaro ory, marary, tsy manam-paniriana ny ho velona izy (Sal. 102:2-4)
  - Mahatsiaro toy ny sama, ny vorondolo na vorona irery any an-tany efitra izy (Sal. 102:6-7)
  - Mahatsiaro rendrika anaty fotaka, tsy misy hifaharana raha tsy ampian'Andriamanitra (Sal. 69:1-3)
- ❖ Tsy mangina izy, fa manohy mivavaka (Sal. 69:13). Mandini-tena izy (Sal. 69:5-6). Mamboraka ny fitiavany an'Andriamanitra izy (Sal. 69:7, 9). Matoky izy fa tsy hangina mandrakizay Andriamanitra (Sal. 69:33-36; 42:5; 102:13).
- ❖ Asehon'ny Salamo fa tsy maintsy tohizana ny fifandraisana amin'Andriamanitra na inona na inona toe-javatra mitranga eo amin'ny fiainana.

**E Tsy ho tanteraka ve ny teny fikasany ao amin'ny Soratra Masina? (Salamo 77)**

- ❖ Efa nahatsapa toy ny mpanao salamo ve ianao (Sal. 77:1-6)? Mitaraina amin'Andriamanitra izy manantena valiny, nefo tsy nahita; ary noho ny famoizam-pony dia nolaviny ny fampiononana azy. Tsaroany ny fotoana nihirany ho an'Andriamanitra sy nisaintsainany momba Azy. Ary hoy izy: "Hanary mandrakizay va ny Tompo? Aiza ireo teny fikasanao?" (Sal. 77:7-9)
- ❖ Ny valiny dia ny tamin'ny lasa (Sal. 77:10-12; Jos. 21:45). Nanao fahagagana teo anatrehan'ny firenena Andriamanitra (Sal. 77:13-17). Nanao lalana tany amin'ny ranomasina Izy ary nitondra ny olony tamin'ny tangan'i Mosesy sy Arona (Sal. 77:18-20).
- ❖ Tsy izay nataony rehetra anefa no niharihary. Indraindray dia tsy voamarika akory ny tanany mihetsika: "ka tsy fantatra ny dian-tongotrao." (Sal. 77:19). Na miharihary na mafina, dia miasa Andriamanitra. Aoka isika hatoky Azy.

**F Nahoana no ambinina ny ratsy fanahy? (Salamos 37 and 73)**

- ❖ Maro ny ratsy fanahy ambinina sady tsy misy fanantainana, na dia nesoriny tsy ho eo amin'ny fiainany aza Andriamanitra (Sal. 73:3-9); fa izay mitady hanompo an'Andriamanitra dia mijaly sy azom-pahoriana (Sal. 73:13-14).
- ❖ Saika nahatonga ny tongotr'i Asafa hibolisatra izany (Sal. 73:2). Saingy, rehefa nentin'Andriamanitra tao amin'ny Fitoerana Masina ny diany, dia nahatakatra ihany izy (Sal. 73:17).
- ❖ Tsy maintsy mijery ny fanambinan'ny ratsy fanahy amin'ny tena fanehoan-jery lavitra isika. Tsy tokony hijery ny "ankehirinny" isika, fa ny "farany". Rehefa miatrika ny fitsaran'Andriamanitra ny ratsy fanahy dia ho levona izy ireo, tsy handray ny fahasambarana mandrakizay natokana ho an'ny marina.